

Protiv rješenja iz stava 2. ovog člana vlasnik, kao i lice koje, radi zaštite svojih prava ili pravnih interesa, ima pravo da učestvuje u postupku, može izjaviti žalbu nadležnom ministarstvu, u roku od osam dana od dana njegovog dostavljanja. Žalba ne zadržava izvršenje rješenja.

Član 10.

Napuštene nekretnine i pripadajuće pokretne stvari, nadležni organ je dužan popisati, obezbijediti i o njima voditi posebnu evidenciju.

Ministarstvo poljoprivrede, prehrambene industrije i vodoprivrede će donijeti uputstvo o popisu, obezbjeđenju i evidenciji napuštenih zemljišta i poljoprivrednih gazdinstava, Ministarstvo šumarstva i industrije za preradu drveta uputstvo o popisu, obezbjeđenju i evidenciji napuštenih šumskih zemljišta i šuma, a Uprava za geodetske i imovinsko-pravne poslove Republike Bosne i Hercegovine uputstvo o popisu, obezbjeđenju i evidenciji napuštenih stambenih zgrada i stanova.

Član 11.

Ako su ispunjeni uslovi iz ove uredbe, nadležni organ donosi rješenje o proglašenju nekretnina privremeno napuštenim i njihovom stavljanju pod upravu opštine. U rješenju se navode katastarske oznake nekretnina, ime vlasnika, popis stvari, kao i dan uspostavljanja uprave opštine.

Smatra se da su nekretnine pod upravom opštine od dana kad je izvršen popis iz člana 9. stav 1. ove uredbe.

Protiv rješenja iz stava 1. ovog člana vlasnik i posjednik mogu izjaviti žalbu nadležnom ministarstvu u roku od osam dana od dana njegovog dostavljanja.

2. Postupak dodjele nekretnina na privremeno korištenje

Član 12.

Nekretnine koje su proglašene napuštenim i stavljene pod upravu opštine mogu se dati na privremeno korištenje privremenim korisnicima i to:

- poljoprivredna gazdinstva, poljoprivredno zemljište i neizgrađeno građevinsko zemljište, u svrhu poljoprivredne obrade, pravnim licima koja su registrovana za obavljanje poljoprivredne proizvodnje i fizičkim licima,
- stambene zgrade i stanovi, u svrhu smještaja, fizičkim licima.

Napuštenim šumama i šumskim zemljištem gazduje opština na čijoj teritoriji se nalazi to zemljište u skladu sa odredbama Zakona o šumama ("Službeni list SRBiH", broj 11/78).

Kriterije za dodjelu zemljišta i poljoprivrednih gazdinstava u svrhu poljoprivredne obrade donosi Vlada Republike Bosne i Hercegovine.

Na dodjelu stambenih zgrada i stanova primjenjivaće se Kriteriji za dodjelu napuštenih stanova na privremeno korištenje ("Službeni list RBiH", broj 9/92).

Član 13.

Nekretnine se mogu dati na privremeno korištenje najduže na jednu godinu.

Po proteku trajanja privremenog korištenja nadležni organ može, na zahtjev privremenog korisnika, produžavati rok u smislu stava 1. ovog člana, dok postoje opravdani razlozi za to.

Član 14.

Nadležni organ je dužan, na pogodan način, javno oglasiti koje nekretnine daje na privremeno korištenje i pozvati zainteresovana lica da se u roku od osam dana prijave na konkurs za dodjelu nekretnina.

Član 15.

U roku od osam dana od dana zaključenja konkursa nadležni organ donosi rješenje o davanju nekretnina na privremeno korištenje.

U rješenju iz stava 1. ovog člana se određuju uslovi i način korištenja nekretnina, način čuvanja i korištenja pokretnih stvari, kao i trajanje privremenog korištenja.

Protiv rješenja iz stava 1. ovog člana vlasnik, posjednik i drugi zainteresovani učesnik konkursa imaju pravo žalbe na

nadležnom ministarstvu u roku od osam dana od dana dostavljanja, odnosno obavještenje o rezultatima konkursa.

Član 16.

Nakon pravosnažnosti rješenja o davanju nekretnina na privremeno korištenje, nadležni organ uvodi privremenog korisnika u posjed nekretnina. Prilikom uvođenja u posjed sačinjava se zapisnik o primopredaji, u kojem se konstatuje stanje u kojem se nalaze nepokretne i pokretne stvari.

3. Prava, obaveze i odgovornosti privremenog korisnika

Član 17.

Privremeni korisnik je dužan sa stvarima koje su mu date na privremeno korištenje, postupati sa pažnjom dobrog domaćina.

Privremeni korisnik odgovara opštini za pričinjenu štetu koja je prouzrokovana njegovom krivicom na svim stvarima koje su mu date na privremeno korištenje.

Član 18.

Od pokretnih stvari privremeni korisnik ima pravo upotrebljavati samo one koje su mu nužno potrebne, o čemu odlučuje nadležni organ rješenjem iz člana 15. stav 2. ove uredbe.

Ostale pokretne stvari se, po odluci nadležnog organa, čuvaju na pogodan način.

Član 19.

Privremeni korisnik nema pravo na bilo koji način otuditi ili opteretiti stvari koje su mu date na privremeno korištenje.

Član 20.

Privremeni korisnik nema pravo vršiti bilo kakve preinake na objektima ili u načinu korištenja zemljišta. On je dužan zemljište koristiti na način određen u rješenju iz člana 15. stav 2. ove uredbe.

Pri određivanju uslova i načina korištenja zemljišta nadležni organ će voditi računa o načinu na koji ga je vlasnik koristio, kao i o načinu koji najviše odgovara prirodnim osobinama zemljišta i postojećim ekonomskim i agrotehničkim uslovima.

Član 21.

Privremeni korisnik je dužan, u svako vrijeme, omogućiti nadležnom organu nesmetan uvid u način korištenja stvari koje su mu date na privremeno korištenje.

Član 22.

Privremeni korisnik je obavezan poreza na prihod od poljoprivredne proizvodnje.

Član 23.

Nakon prestanka trajanja privremenog korištenja, bilo usljed protoka vremena, bilo usljed povratka vlasnika, privremeni korisnik je dužan povjerene mu stvari vratiti opštini u stanju u kojem su mu bile predate, uzimajući u obzir njihovu redovnu upotrebu. Primopredaja se vrši zapisnički, a zapisnik sačinjava nadležni organ.

Član 24.

Ako privremeni korisnik koristi stvari koje su mu povjerene protivno rješenju o davanju nekretnina na privremeno korištenje, nadležni organ će ga na to upozoriti, a može i staviti van snage predmetno rješenje.

Prije donošenja odluke iz stava 1. ovog člana, nadležni organ će privremenom korisniku dati mogućnost da se izjasni.

4. Prava vlasnika

Član 25.

Po povratku na području opštine gdje se nalaze njegove nekretnine, vlasnik u svako vrijeme može podnijeti zahtjev za vraćanje u posjed svih ili samo nekih stvari koje su stavljene pod upravu opštine.

Član 26.

Nadležni organ je dužan u roku od tri dana od dana prijema zahtjeva vlasnika, donijeti rješenje kojim se određuje da prestaje uprava opštine nad privremeno napuštenim nekretninama i da se iste predaju u posjed vlasniku.

Opština je dužna stvari vratiti vlasniku u stanju u kojem su bile u momentu uspostavljanja njene uprave, imajući u vidu protek vremena, odnosno redovnu upotrebu.

Ako su nekretnine bile dodijeljene na privremeno korištenje, rješenjem će se privremeni korisnik obavezati da ih napusti i preda u posjed vlasniku u roku od osam dana od dana dostavljanja rješenja.

Izuzetno od odredbe iz stava 1. ovog člana, privremeni korisnik se ne može obavezati da vlasniku vrati u posjed zemljište prije isteka određenog roka privremenog korištenja, ako još nije ubrao plodove koji mu pripadaju, a sa vlasnikom nije zaključio pismeni sporazum o visini i načinu naknade za očekivani prihod.

Član 27.

Vlasnik ima pravo na plodove sa njegovih nekretnina ukoliko su oni rezultat njegovog prethodnog rada i ulaganja ili drugih okolnosti, izuzev rada i ulaganja privremenog korisnika.

Član 28.

Opština odgovara vlasniku za štetu pričinjenu na stvarima koje su stavljene pod njezinu upravu.

Član 29.

Odredbe ove uredbe koje se odnose na vlasnika primjenjuju se i na nosioca prava korištenja na građevinskom zemljištu u društvenoj svojini.

Član 30.

Podzakonske akte predviđene ovom uredbom Vlada Republike Bosne i Hercegovine će donijeti u roku od osam dana od dana stupanja na snagu ove uredbe.

Član 31.

Ova uredba stupa na snagu danom objavljivanja u "Službenom listu RBiH".

PR broj 1497/93
23. aprila 1993. godine
Sarajevo

Predsjednik
Predsjedništva RBiH,
Alija Izetbegović, s. r.

232

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O IZMJENAMA I DOPUNAMA UREDBE SA ZAKONSKOM SNAGOM O DRŽAVLJANSTVU REPUBLIKE BOSNE I HERCEGOVINE

Član 1.

U Uredbi sa zakonskom snagom o državljanstvu Republike Bosne i Hercegovine ("Službeni list RBiH", broj 18/92), u članu 6. riječ "njegovog" zamjenjuje se riječju "njihovog".

Član 2.

U članu 9. iza stava 4. dodaje se novi stav 5, koji glasi:
"Pripadnik Oružanih snaga Republike Bosne i Hercegovine koji nije državljanin Republike, stiče državljanstvo Republike Bosne i Hercegovine prirođenjem, iako ne ispunjava uslove iz člana 8. ove uredbe".

Član 3.

U članu 24. iza stava 1. dodaje se novi stav 2, koji glasi:
"Za lica koja nisu upisana u evidencije iz stava 1. ovog člana, evidencija o državljanima Republike vodi se u knjigama državljana na način propisan aktom koji se donosi u smislu člana 30. stav 2. ove uredbe".

Dosadašnji stav 2. postaje stav 3.

Član 4.

U članu 27. riječ "Državljaninom" zamjenjuje se riječju "Državljanin", a riječi: "smatra se" zamjenjuju se riječima: "je i".

Član 5.

Član 29. mijenja se i glasi:
"Državljaninom Republike smatra se i lice koje je na dan 6. aprila 1992. godine imalo državljanstvo bivše SFRJ i prebivalište na teritoriji Republike".

Član 6.

U članu 30. u stavu 1. iza broja: "2." dodaju se riječi: "i 3.".

Član 7.

Ova uredba stupa na snagu danom objavljivanja u "Službenom listu RBiH".

PR broj 1494/93
23. aprila 1993. godine
Sarajevo

Predsjednik
Predsjedništva RBiH,
Alija Izetbegović, s. r.

233

Na osnovu Amandmana LI tačka 5. stav 3. na Ustav Republike Bosne i Hercegovine, na prijedlog Vlade Republike Bosne i Hercegovine, Predsjedništvo Republike Bosne i Hercegovine, donosi

UREDBU SA ZAKONSKOM SNAGOM O IZMJENAMA I DOPUNAMA UREDBE SA ZAKONSKOM SNAGOM O OBRANI

Član 1.

U Uredbi sa zakonskom snagom o odbrani ("Službeni list RBiH", br. 4/92, 9/92 i 19/92) u članu 5. iza alineje 16 dodaju se nove alineje 17, 18, 19. i 20. koje glase:

- "stara se o organizovanju proizvodnje i prometa naoružanja i vojne opreme i drugih predmeta i opreme od značaja za odbranu,
 - stara se o organizaciji i obezbjeđivanju materijalnih sredstava za potrebe obrane,
 - organizira izradu temeljnih geodetskih i fotogrametrijskih radova, izradu temeljne državne karte i kartografskog materijala od značaja za odbranu,
 - vrši inspeksijske poslove u oblasti odbrane".
- Dosadašnja alineja 17 postaje alineja 21.

Član 2.

U članu 8. stav 1. iza alineje 1. dodaje se nova alineja 2. koja glasi:
- "donosi konceptijsko-doktrinovna dokumenta za izgradnju sistema obrane u Republici".

Član 3.

U članu 16. iza tačke 18. dodaje se nova tačka 19, koja glasi:

"19. utvrđuje uslove i postupak izdavanja odobrenja državljanima Republike odnosno građanima za putovanje u inostranstvo na privremeni boravak za vrijeme ratnog stanja, na prijedlog ministra odbrane".

Dosadašnja tačka 19. postaje tačka 20.

Član 4.

U članu 18. iza tačke 2. dodaje se nova tačka 3, koja glasi:
"3. priprema odgovarajuća konceptijsko-doktrinarska dokumenta za izgradnju sistema odbrane u Republici".

U dosadašnjoj tački 3. koja postaje tačka 4. iza alineje 10. dodaju se nove alineje 11, 12. i 13., koje glase:

- "organizira znanstvena istraživanja u oružanim snagama i druga istraživanja od značaja za odbranu,
 - planira izvođenje geodetskih, fotogrametrijskih i kartografsko-reprodukcijskih poslova od interesa za odbranu, vrši nadzor nad izvođenjem tih poslova i stara se o čuvanju, skladištenju i distribuciji geodetskih i fotogrametrijskih i kartografskih materijala i dokumenata značajnih za odbranu;
 - planira izvođenje premjera i snimanja objekata i teritorije od značaja za odbranu u svrhu uspostavljanja katastra za potrebe odbrane i vrši nadzor kod izvršavanja tih poslova".
- Iza tačke 13. dodajue se nove tač. 14. i 15. koje glase:

"14. provodi postupak postavljenja lica određenih naredbom načelnika Glavnog štaba oružanih snaga Republike za rad u vojnoj diplomaciji;

15. daje saglasnost za imenovanje i razrješenje sekretara opštinskog sekretarijata za narodnu odbranu".

Dosadašnja tačka 14. postaje tačka 16.

Član 5.

U članu 31. stav 2. mijenja se i glasi:

"Mirnodopsku organizaciju Republičkog štaba civilne zaštite utvrđuje ministar odbrane aktom o unutrašnjoj organizaciji Ministarstva, uz saglasnost Vlade".

Član 6.

U članu 32. iza stava 1. dodaje se novi stav 2. koji glasi:

Komandant iz stava 1. ovog člana ima status rukovodećeg radnika, u Ministarstvu".

Dosadašnji stav 2. i 3. postaju stav 3. i 4.

Član 7.

U članu 33. u tački 2. riječ "odluka" zamjenjuje se riječju "zaključaka".

Član 8.

U članu 48. iza stava 2. dodaje se novi stav 3, koji glasi:

"Izuzetno, građani iz stava 1. ovog člana, koji nisu navršili 18 godina života ne mogu se angažovati na vršenju poslova i zadataka, odnosno radova na pravcima i u rejonima i zonama borbenih dejstava, kao i na izvođenju naročito teških fizičkih radova opasnih po život i zdravlje".

Dosadašnji stav 3. postaje stav 4.

Član 9.

Član 49. mijenja se i glasi:

"U ratu, u slučaju neposredne ratne opasnosti ili vanrednog stanja, građani su dužni svoja materijalna sredstva koja su neophodna za potrebe oružanih snaga i druge potrebe odbrane predati nadležnom organu.

Predmet izuzimanja u smislu stava 1. ovog člana mogu biti pokretne i nepokretne stvari koje popisom odredi Vlada i s tim da se ne mogu izuzimati lične stvari, predmeti, domaćinstva i predmeti za obavljanje profesionalne djelatnosti, koja se vrši i u vrijeme rata u funkciji odbrane odnosno obezbjeđivanja osnovnih uslova života i rada građana.

Materijalna sredstva izuzimaju se privremeno, u trajanju koje je neophodno za potrebe odbrane i po prestanku tih potreba vraćaju se vlasniku.

Vlasniku pripada pravo na naknadu za korišćenje sredstava, u visini koja se utvrđuje saglasno propisom Vlade kao i naknadu štete u slučaju oštećenja, uništenja ili gubitka stvari čija se visina utvrđuje u skladu sa opštim propisima o naknadi.

Propisom Vlade određuju se materijalna sredstva koja se mogu izuzimati za potrebe oružanih snaga i druge potrebe odbrane, postupak popisa tih sredstava, postupak donošenja akta o izuzimanju, kriterije i mjerila za određivanje naknade za privremeno korišćenje sredstava, kao i bliže kriterije i mjerila za utvrđivanje visine naknade u slučaju oštećenja, uništenja ili gubitka korišćenog sredstva, koje se može isplatiti u postupku pred upravnim organom".

Član 10.

U članu 52. iza stava 1. dodaje se novi st. 2. i 3, koji glase:

"U ratu, u slučaju neposredne ratne opasnosti ili vanrednog stanja, preduzeća i druga pravna lica dužna su da za potrebe oružanih snaga i druge potrebe odbrane ovlaštenim organima daju sve vrste motornih, prevoznih i specijalnih vozila, građevinske i inženjerske mašine, zgrade i zemljišta, pojedina sredstva rada, pogonski materijal, hranu, ogrev, odjeću i obuću i druga sredstva koja propisom odredi Vlada.

Odredbe st. 2, 3. i 4. člana 49. ove uredbe primjenjuju se i na sredstva iz stava 1. ovog člana".

Član 11.

Iza člana 52. dodaje se novi član 52a, koji glasi:

"Član 52a.

Materijalna sredstva iz člana 49. i člana 52. st. 2. i 3. ove uredbe za potrebe oružanih snaga i druge potrebe odbrane, mogu se izuzimati samo na osnovu akta organa uprave nadležnog za odbranu i drugih ovlaštenih vojnih organa.

Izuzimanje sredstava iz stava 1. ovog člana i ostvarivanje naknade za izuzeta sredstva, vrši se u skladu sa propisom iz člana 16. stav 1. tač. 7. i 12. člana 49. stav 5. i člana 67. ove uredbe.

Ako je vlasniku materijalnog sredstva ovo sredstvo izuzeto nezakonitim ili nepravilnim radom lica u jedinici, ustanovi, štabu i komandi oružanih snaga, jedinici ili štabu civilne zaštite, službe osmatranja i obavještanja, jedinici veze i kriptozastite, kao i u državnom organu, štetu nastalu tim izuzimanjem naknadiće društveno-politička zajednica po odredbama Zakona o državnoj upravi koje se odnose na materijalnu odgovornost radnika.

Vlasnik materijalnog sredstva kome su ova sredstva izuzeta izvršavanjem krivičnog djela ostvaruje naknadu štete po opštim načelima o odgovornosti za štetu".

Član 12.

U članu 60. u alineji 1. iza riječi "jedinice" dodaju se riječi: "i povjerenike".

Član 13.

U članu 78. u stavu 1. tačka 13. na kraju, zarez se briše i dodaju riječi "i namirnica životinjskog porijekla".

Tačka 15. mijenja se i glasi:

"15. zaštita okoline".

Član 14.

U članu 83. stav 1. na kraju, briše se tačka, i dodaju riječi "u skladu s posebnim tehničkim normativima koje propisuje Ministarstvo prostornog uređenja, građevinarstva i zaštite okoline - Ministarstvo prostornog uređenja, graditeljstva i zaštite okoliša".

Član 15.

U članu 84. stav 1. riječi: "Dezaktiviranje i" brišu se, a iza riječi "miru" dodaju se riječi "i ratu".

Iza stava 1. dodaje se novi stav 2. koji glasi:

"Ministar odbrane uz pribavljeno mišljenje ministra unutrašnjih poslova propisuje stručnu spremu i druge uvjete za osobe koje mogu vršiti uništavanje neeksplozivnih ubojnih sredstava, način osiguranja, transporta, skladištenja i uništavanja tih sredstava, kao i način određivanja mjesta na kojima se može vršiti njihovo uništenje".

Dosadašnji stav 2. i 3. postaju st. 3. i 4.

Član 16.

U članu 86. u stavu 1. iza riječi "obrazuje" dodaje se riječ "specijalizirane".

U stavu 2. iza riječi "općinske" dodaje se riječ "specijalizirane", a na kraju, tačka se zamjenjuje riječima "koje odredi ministar odbrane".

Član 17.

Član 87. briše se.

Član 18.

U članu 88. st. 1. i 2. briše se.

Iza dosadašnjeg stava 3. dodaje se novi stav 4, koji glasi: "Komandanta štaba civilne zaštite u mjesnoj zajednici imenuje i razrješava dužnosti komandant opštinskog štaba civilne zaštite po prethodno pribavljenom mišljenju savjeta mjesne zajednice".

Član 19.

Član 90. mijenja se i glasi:

"Propisom Vlade uređuje se planiranje, organizovanje, nadležnost, rukovođenje, upotreba, zadaci, opremanje i obučavanje i osposobljavanje štabova, jedinica i povjerenika civilne zaštite.

Ministar odbrane propisat će okvirne formacije štabova i jedinica civilne zaštite, sadržaj evidencije i lične karte za osoblje civilne zaštite, podsjetnik za rad povjerenika civilne zaštite kao i način upotrebe znaka civilne zaštite."

Član 20.

U članu 120. dodaje se novi stav 2, koji glasi:
"Ministar obrane propisuje sadržaj, način izrade, čuvanje i korištenje kartografskih materijala od značaja za odbranu i određiti podatke koje ne mogu sadržavati kartografske publikacije namijenjene za javnu upotrebu".

Član 21.

Iza člana 126. dodaje se nova glava VII i čl. 126a do 126g, koji glase:

VII - POSEBNA PRAVA LICA U OBLASTI OBRANE

Član 126a.

Gradani koji budu pozvani na vršenje poslova u štabove, jedinice i druge organe civilne zaštite, službu osmatranja i obavještanja i jedinice veze i kriptozastite, za vrijeme vršenja tih poslova imaju pravo na novčanu naknadu, koja se određuje prema visini plate koja se u organu društveno političke zajednice, odnosno u preduzeću i drugom pravnom licu obezbjeđuje za radno mjesto odgovarajuće stručne spremlje na koje je građanin angažovan, a za pripadnike civilne zaštite u mjesnoj zajednici u skladu sa kriterijima koje utvrdi izvršni odbor općine.

Sredstva za naknade iz stava 1. ovog člana obezbjeđuju društveno-političke zajednice, odnosno preduzeća i druga pravna lica koja su organizovali angažovanje građana za vršenje tih poslova i zadataka.

Izuzetno od odredbe stava 2. ovog člana, za vrijeme rata ili u slučaju neposredne ratne opasnosti, sredstva za novčane naknade za pripadnike štabova, jedinica i povjerenika civilne zaštite u mjesnim zajednicama, kao i pripadnike štabova i jedinica civilne zaštite opština koje nisu u mogućnosti obezbjeđiti potrebna sredstva, obezbjeđuju se u republičkom budžetu u okviru sredstva za rad Ministarstvo obrane.

Visinu naknade za lica iz stava 3. ovog člana određuje ministar obrane.

Gradanima iz stava 1. ovog člana pripada pravo naknade troškova za prevoz, smještaj i ishranu za vrijeme vršenja tih poslova i zadataka pod istim uslovima koji se za te namjene obezbjeđuju za radnike državnih organa, preduzeća i drugih pravnih lica.

Sredstva za naknade iz stava 5. ovog člana obezbjeđuju društveno-političke zajednice, odnosno preduzeća i druga pravna lica koja angažuju građane za vršenje tih poslova i zadataka.

Naknade predviđene ovim članom pripadaju građanima iz stava 1. ovog člana i u miru i u ratu.

Član 126b.

Gradani koji za vrijeme rata, neposredne ratne opasnosti ili vanrednog stanja, po osnovu radne obaveze budu angažovani na rad u državni organ, preduzeće ili drugo pravno lice, za vrijeme vršenja tog rada, imaju pravo na novčanu naknadu u visini plate predviđene za radno mjesto odgovarajuće stručne spremlje na koje je građanin angažovan u državnom organu, preduzeću ili drugom pravnom licu.

Naknadu iz stava 1. ovog člana obračunava i plaća državni organ, preduzeće ili drugo pravno lice kod kojih su ti građani angažovani po osnovu radne obaveze.

Gradanima iz stava 1. ovog člana pripada naknada troškova za prevoz i ishranu, pod istim uslovima koji su predviđeni za radnike u državnom organu, preduzeću ili drugom pravnom licu.

Naknada iz stava 1. ovog člana, pod istim uslovima, pripada i građanima koji se po osnovu radne obaveze angažuju u jedinicama radne obaveze. Visinu naknade utvrđuje izvršni odbor općine, za jedinice radne obaveze koje se angažuju na vršenju poslova i zadataka za potrebe oružanih snaga, a za jedinice radne obaveze koje se angažuju na vršenju radova od značaja za odbranu u državnom organu, preduzeću ili drugom pravnom licu, visinu naknade utvrđuju ti organi, preduzeća i druga pravna lica kod kojih se izvode ti radovi.

Član 126c.

Gradani koji se za vrijeme rata ili neposredne ratne opasnosti, po osnovu vojne obaveze angažuju na vršenju kurirsko-pozivarskih poslova radi sprovođenja mobilizacije i drugih zadataka za potrebe oružanih snaga i druge potrebe odbrane, u organizaciji organa uprave za narodnu odbranu, za vrijeme izvršavanja tih poslova i zadataka smatraju se pripadnicima oružanih snaga i po tom osnovu ostvaruju pravo na zdravstvenu zaštitu, novčanu naknadu za rad, jednokratnu novčanu pomoć, troškove sahrane, izuzetnu penziju, dodatak na djecu, status ratnog vojnog invalida i penzijsko invalidsko osiguranje, pod istim uslovima i po propisima po kojima ta prava ostvaruju pripadnici oružanih snaga.

Član 126d.

Gradani iz čl. 126a. i 126b. koji, u miru i ratu za vrijeme ili u vezi sa izvršavanjem poslova i zadataka predviđenih u tim odredbama, bez svoje krivice, zadobiju povredu, ozljedu, ranu ili obole, imaju po tom osnovu pravo na zdravstvenu zaštitu do saniranja povrede, ozljede, rane, odnosno izliječenja od zadobijene bolesti.

Zdravstvena zaštita iz stava 1. ovog člana ostvaruje se u skladu sa propisom iz člana 50. stav 3. ove uredbe.

Član 126e.

Gradani iz člana 126a. i člana 126b. stav 4. ove uredbe koji, u miru i ratu, za vrijeme ili u vezi sa izvršavanjem poslova i zadataka predviđenih u tim odredbama, bez svoje krivice, zadobiju povredu, ozljedu, ranu ili obole, te zbog toga kod njih nastupi tjelesno oštećenje od najmanje 20%, imaju pravo na jednokratnu novčanu pomoć, čija se visina određuje prema stepenu tjelesnog oštećenja. Stepenu tjelesnog oštećenja utvrđuje se prema propisu iz člana 50. stav 3. ove uredbe.

Ako građanin pogine ili umre od zadobijene rane, povrede ili ozljede, odnosno bolesti, pod uslovima iz stava 1. ovog člana, jednokratna novčana pomoć pripada njegovoj porodici.

Visina i postupak ostvarivanja pomoći iz stava 1. ovog člana utvrđuje se propisom Vlade, na prijedlog ministra odbrane.

Član 126f.

Gradani koji za vrijeme ili u vezi izvršavanja poslova i zadataka iz člana 126a. ove uredbe, kao i gradani iz stava 4. člana 126b. ove uredbe, za vrijeme ratnog stanja ili u slučaju neposredne ratne opasnosti, poginu ili umru od zadobijene povrede, rane, ozljede ili oboljenja, sahraniti će se o trošku državnog organa, preduzeća ili drugog pravnog lica kod kojih je bio angažovan na izvršavanju poslova i zadataka, ako zakonom ili drugim propisima nije drugačije određeno.

Član 126g.

Za vrijeme ratnog stanja pripadniku civilne zaštite može se priznati pravo na izuzetnu invalidsku penziju odnosno pravo na izuzetnu porodičnu penziju njegovom članu porodice.

Pravo na penziju iz stava 1. ovog člana može se priznati i pripadniku jedinice radne obaveze koji se angažuju na vršenju poslova i zadataka za potrebe oružanih snaga na pravcima i u rejonima i zonama borbenih dejstava.

Lica iz stava 1. i 2. ovog člana, pravo na izuzetnu penziju ostvaruju pod uslovima i po postupku koji je propisan Uredbom sa zakonskom snagom o pravu na izuzetnu penziju za pripadnike oružanih snaga Republike Bosne i Hercegovine ("Službeni list RBiH", broj 16/92).

Član 22.

U članu 134. u stavu 1. riječi: "20.000 do 100.000" zamjenjuju se riječima: "80.000 do 120.000".

U stavu 1. u tački 8. iza riječi "obranu" dodaju se riječi: "ili ako ne daju materijalna sredstva popisana za potrebe oružanih snaga i druge potrebe odbrane".

U stavu 2. riječi: "10. do 50.000" zamjenjuju se riječima: "10.000 do 25.000".

Član 23.

Iza člana 134. dodaju se novi čl. 134a, 134b, i 134c, koji glase:

Član 134a.

Novčanom kaznom od 10.000 do 25.000 dinara kazniće se za prekršaje odgovorno lice u organu društveno-političke zajednice:

1. ako ne izvrši obaveze u vezi izgradnje skloništa (član 79),
2. ako skloništa i zaštitne objekte redovito ne kontroliše i održava u ispravnom stanju (član 82. stav 1.),
3. ako se javna i blokovska skloništa koriste suprotno uvjetima koje utvrdi ministar odbrane (član 83. stav 2.),
4. ako službi osmatranja i obavještanja ne omoguću prioritetno korišćenje sredstava veze (član 93. stav 2.),
5. ako ne donese plan svog organizovanja i djelovanja u slučaju rata (član 112. stav 1.),
6. ako ne postupi po naredbama inspektora i drugih ovlašćenih lica (član 124.).

Novčanom kaznom od 10.000 do 25.000 dinara ili kaznom zatvora do 30 dana kazniće se za prekršaj odgovorno lice u organu društveno-političke zajednice, preduzeću i drugom pravnom licu, ako angažuje građanina na vršenju poslova i zadataka odnosno radova suprotno odredbi člana 48. stav 3.

Član 134b.

Novčanom kaznom od 5.000 do 20.000 dinara ili kaznom zatvora do 30 dana kazniće se za prekršaj pojedinac:

1. ako se ne odazove pozivu nadležnog organa, preduzeća ili drugog pravnog lica za vršenje obaveza u oblasti obrane (član 47. tačka 2.);
2. ako ne daje podatke značajne za obranu i ne dostavi ih najhitnije centru za obavještanje ili državnim organima (član 47. tačka 3.);
3. ako ne da potrebne podatke za vođenje evidencije u oblasti obrane (član 47. tačka 4.);
4. ako se ne obučavaju i osposobljavaju za odbranu (član 99. stav 1.).

Član 134c.

Novčanom kaznom od 80.000 do 120.000 dinara kazniće se za prekršaj preduzeće ili drugo pravno lice (korisnik sredstava) ako izuzme materijalno sredstvo na način koji nije predviđen u članu 52a. stav 1. ove uredbe.

Za prekršaj iz stava 1. ovog člana kazniće se i odgovorno lice u jedinici, ustanovi, štabu i komandi oružanih snaga Republike, jedinici štabu civilne zaštite, službi osmatranja i obavještanja i jedinici veze i kriptozastite, državnom organu, preduzeću i drugom pravnom licu novčanom kaznom od 15.000 do 25.000 dinara ili kaznom zatvora do 60 dana.

Član 24.

Iza člana 137. dodaju se novi čl. 137a. do 137e, koji glase:

Član 137a.

Danom početka rada Odjeljenja Ministarstva iz člana 43. ove uredbe, skupštine općina će donijeti odluku o ukidanju i prestanku rada općinskog sekretarijata za narodnu odbranu.

Prije donošenja odluke iz stava 1. ovog člana, općina je dužna izmiriti finansijske obaveze općinskog sekretarijata za narodnu odbranu koje je imao do dana ukidanja.

Član 137b.

Danom prestanka rada ukinutog općinskog sekretarijata za narodnu odbranu, skupština općine, odnosno izvršni organ općine razriješiti će funkcionere, odnosno rukovodeće radnike tog sekretarijata.

Radnici zatečeni u radnom odnosu u općinskom sekretarijatu za narodnu odbranu, skupština općine, odnosno izvršni organ općine razriješiti će funkcionere, odnosno rukovodeće radnike tog sekretarijata.

Radnici zatečeni u radnom odnosu u općinskom sekretarijatu za narodnu odbranu u momentu ukidanja sekretarijata, biće preuzeti od strane Ministarstva, u skladu sa potrebama posla.

Radnici iz stava 2. ovog člana, koji se ne mogu rasporediti na poslove i zadatke u Ministarstvu, raspoređiću izvršni odbor općine primjenom odredaba Zakona o državnoj upravi koje se

odnose na prava radnika u slučaju smanjenja obima poslova u organu uprave.

Član 137c.

Odjeljenje Ministarstva iz člana 43. ove uredbe počće se radom u roku od tri mjeseca od dana kada nadležni republički organ donese odluku o prestanku ratnog stanja na teritoriji Republike.

Član 137d.

Odredba člana 49. i člana 52. st. 2. i 3. ove uredbe u pogledu davanja naknade vlasnicima sredstava za materijalna sredstva izuzeta za potrebe oružanih snaga i druge potrebe odbrane, primjenjuje se od 8. aprila 1992. godine kada je Predsjedništvo RBiH donijelo odluku o proglašenju neposredne ratne opasnosti ("Službeni list RBiH", broj 1/92).

Naknada iz stava 1. ovog člana može se ostvariti ako su materijalna sredstva izuzeta u skladu sa odredbom člana 52a. stav 1. ove uredbe, a ostvaruje se na način i pod uslovima koji su utvrđeni u propisu koji se donosi na osnovu člana 16. stav 1. tač. 7. i 12. člana 49. stav 5. i člana 67. ove uredbe.

Član 137e.

Odredba člana 126g. ove uredbe primjenjuje se od 20. juna 1992. godine, kada je Predsjedništvo RBiH donijelo Odluku o proglašenju ratnog stanja ("Službeni list RBiH", broj 7/92).

Član 25.

U članu 139. iza riječi "RBiH", zarez se zamjenjuje tačkom, a preostali dio teksta briše se.

Član 26.

Ovlašćuje se Komisija za organizaciona i kadrovska pitanja Predsjedništva RBiH da sačini prečišćeni tekst Uredbe sa zakonskom snagom o obrani.

Član 27.

Ova uredba stupa na snagu danom objavljivanja u "Službenom listu RBiH".

PR broj 1495/93
23. aprila 1993. godine
Sarajevo

Predsjednik
Predsjedništva RBiH,
Alija Izetbegović, s. r.

234

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O IZMJENAMA I DOPUNAMA ZAKONA O UNUTRAŠNjim POSLOVIMA

Član 1.

U Zakonu o unutrašnjim poslovima - Prečišćeni tekst ("Službeni list SRBiH", broj 18/90 i "Službeni list RBiH", broj 14/92), iza člana 16. dodaje se novi član 16a, koji glasi:

"Član 16a.

Zabranjena je proizvodnja, promet i upotreba uniformi, posebnih oznaka, službenih legitimacija i znački, zaštitnog znaka i drugih službenih oznaka i obilježja Ministarstva, osim pod uslovima i na način utvrđen zakonom i drugim propisima donesenim na osnovu zakona."

Član 2.

U članu 116. dodaje se novi stav 1, koji glasi:
"Dan Policije je šesti april-travanj."
Dosadašnji st. 1. i 2. postaju st. 2. i 3.

Član 3.

U članu 126. iza alineje 4. dodaju se nove alineje 5. i 6, koje glase:
"- o zaštitnom znaku, zastavama i drugim karakterističnim obilježjima u Ministarstvu,

- o proizvodnji, prometu i upotrebi zaštitnog znaka, uniforme, posebnih oznaka, službenih legitimacija, znački
- i drugih službenih oznaka odnosno obilježja Ministarstva."

Dosadašnje alineje 5, 6. i 7. postaju alineje 7, 8. i 9.

Član 4.

Ovlašćuje se Komisija za organizaciono-kadrovska pitanja Predsjedništva RBiH da utvrdi Novi prečišćeni tekst Zakona o unutrašnjim poslovima.

Član 5.

Ova uredba stupa na snagu danom objavljivanja u "Službenom listu RBiH".

PR broj 1496/93

23. aprila 1993. godine
Sarajevo

Predsjednik

Predsjedništva RBiH,
Alija Izetbegović, s. r.

235

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM

O PLATAMA I NAKNADAMA PRIPADNIKA

ORUŽANIH SNAGA, UNUTRAŠNJIH POSLOVA,

KAZNENO-POPRAVNIH ORGANIZACIJA I ODBRANE

I - OPŠTE ODREDBE

Član 1.

Ovom uredbom uređuje se način i postupak utvrđivanja i isplate plata, odnosno naknada za pripadnike jedinica, ustanova, komandi i štabova oružanih snaga, Ministarstva unutrašnjih poslova - Ministarstva unutrašnjih poslova (u daljem tekstu: Ministarstvo unutrašnjih poslova), straže kazneno-popravnih organizacija, Ministarstva odbrane - Ministarstva obrane (u daljem tekstu: Ministarstvo), pripadnike civilne zaštite, službe osmatranja i obavještavanja i jedinice veze i kriptozastite (u daljem tekstu: pripadnici civilne odbrane).

Član 2.

Plate predviđene ovom uredbom pripadaju radnicima koji se nalaze u radnom odnosu u Ministarstvu, Glavnom štabu oružanih snaga (u daljem tekstu: Glavni štab), Ministarstvu unutrašnjih poslova i straže kazneno-popravnih organizacija, a naknade pripadaju licima koja se po osnovu vojne obaveze, odnosno obaveze učešća u civilnoj zaštiti, angažovani u jedinici, ustanove i komande oružanih snaga, rezervni sastav policije, jedinice, štabove i povjerenike civilne zaštite, odnosno u službu osmatranja i obavještavanja i jedinice veze i kriptozastite.

II - NAČIN UTVRĐIVANJA PLATA I NAKNADA

Član 3.

Plate radnika, odnosno naknade utvrđuju se po vrstama i grupama složenosti poslova, odnosno stepenima stručne spretnosti, radnim mjestima i dužnostima, kao proizvod koeficijentata složenosti poslova i najniže plate.

Iznos najniže plate utvrđuje se u skladu sa odredbama člana 204a Zakona o državnoj upravi.

Član 4.

Prema vrsti i složenosti poslova, odnosno stepenu stručne spretnosti, radnim mjestima i dužnostima plate i naknade Ministarstva, oružanih snaga, Ministarstva unutrašnjih poslova, kazneno-popravnih organizacija i civilne odbrane utvrđuju se u 23 grupe poslova, sa koeficijentima složenosti, i to:

- 1) koeficijentom 5,40 poslovi načelnika uprave Glavnog štaba i komandanta operativne grupe;
- 2) koeficijentom 5,30 poslovi komandanta korpusa;
- 3) koeficijentom 5,00 poslovi:

- a) u oblasti odbrane: načelnika štaba korpusa, načelnika štaba operativne grupe i komandanta okružnog štaba odbrane;
- b) u oblasti unutrašnjih poslova: načelnika centra službi bezbjednosti, načelnika Centra za obrazovanje kadrova unutrašnjih poslova i komandanta brigade specijalne namjene;

- 4) koeficijentom 4,80 poslovi:

- a) u oblasti odbrane: načelnika okružnog štaba odbrane, komandanta brigade, pomoćnika komandanta korpusa, pomoćnika komandanta operativne grupe, komandanta opštinskog štaba odbrane, načelnika Republičkog štaba civilne zaštite i komandanta okružnog štaba civilne zaštite;

- b) u oblasti unutrašnjih poslova: načelnika sektora državne bezbjednosti i policije u centru službe bezbjednosti i načelnika Sekretarijata unutrašnjih poslova Grada Sarajeva i načelnika stanice javne bezbjednosti u opštinama preko 50.000 stanovnika;

- 5) koeficijentom 4,50 poslovi:

- a) u oblasti odbrane: načelnika štaba brigade, načelnika roda - službe u korpusu, načelnika roda - službe u operativnoj grupi, načelnika odjeljenja u upravi Glavnog štaba, načelnika odjeljenja Ministarstva, stručnog savjetnika, načelnika okružnog štaba civilne zaštite, formacijskog mjesta čina pukovnik, starješine ličnog čina pukovnik, zamjenika sekretara okružnog sekretarijata odbrane i načelnika odjeljenja za odbranu u opštini preko 50.000 stanovnika;

- b) u oblasti unutrašnjih poslova: načelnika organizacione jedinice Ministarstva unutrašnjih poslova u sjedištu, zamjenika komandanta brigade specijalne namjene, stručnog savjetnika i pomoćnika načelnika centra službi bezbjednosti;

- 6) koeficijentom 4,30 poslovi

- a) u oblasti odbrane: pomoćnika komandanta brigade, načelnika roda-službe u okružnom štabu odbrane, šefa odsjeka u odjeljenju uprave Glavnog štaba, šefa odsjeka u Ministarstvu, načelnika odjeljenja za odbranu u opštini od 25.000 do 50.000 stanovnika i inspektora;

- b) u oblasti unutrašnjih poslova: pomoćnika komandanta brigade specijalne namjene, načelnika stanice javne bezbjednosti u opštinama od 25.000 do 50.000, načelnika odjeljenja i odsjeka u centru službi bezbjednosti i načelnika odjeljenja u stanici javne bezbjednosti u opštinama preko 50.000 stanovnika i komandira stanice Policije u opštinama preko 50.000 stanovnika;

- 7) koeficijentom 4,00 poslovi:

- a) u oblasti odbrane: komandanta bataljona, komandanta odreda, načelnika roda - službe u brigadi, formacijskog mjesta čina brigadir, starješine ličnog čina brigadir, načelnika odjeljenja za odbranu u opštini do 25.000 stanovnika, višeg stručnog saradnika i zamjenika načelnika odjeljenja za odbranu u opštini preko 50.000 stanovnika;

- b) u oblasti unutrašnjih poslova: komandanta odreda "brigadi specijalne namjene, načelnika stanice javne bezbjednosti u opštinama do 25.000 stanovnika i komandira stanice Policije u opštinama od 25.000 do 50.000 stanovnika;

- 8) koeficijentom 3,80 poslovi:

- a) u oblasti odbrane: zamjenika komandanta bataljona, zamjenika komandanta odreda, pomoćnika komandanta opštinskog štaba odbrane, sekretara okružnog vojnog suda, sekretara okružnog vojnog tužilaštva, upravnika vojnog pritvora, stručnog saradnika u Ministarstvu i člana Republičkog štaba civilne zaštite;

- b) u oblasti unutrašnjih poslova: zamjenika komandanta odreda u brigadi specijalne namjene, komandira stanice policije u opštinama do 25.000 stanovnika, zamjenika komandira stanice policije u opštinama od 25.000 do 50.000 stanovnika, načelnika organizacione jedinice u stanici javne bezbjednosti, šefa operativnog dežurstva u centru službi bezbjednosti i operativnog dežurstva u Ministarstvu unutrašnjih poslova u sjedištu;

- c) u kazneno-popravnim organizacijama: načelnika straže;

- 9) koeficijentom 3,70 poslovi:

- a) u oblasti odbrane: komandira čete u jedinici oružanih snaga i formacijskog čina kapetan, starješine ličnog čina kapetan i predsjednika komisije koja funkcioniše pri Ministarstvu;

b) u oblasti unutrašnjih poslova: komandira čete u brigadi specijalne namjene, zamjenika komandira stanice Policije u opštinama do 25.000 stanovnika, rukovodioca organizacionih jedinica stanica javne bezbjednosti u opštinama do 50.000 stanovnika raspoređenog na poslove visoke školske spreme i šefa operativnog dežurstva u stanici javne bezbjednosti u opštinama preko 50.000 stanovnika;

10) koeficijentom 3,65 poslovi:

a) u oblasti odbrane: komandira voda u jedinici oružanih snaga, referenta u jedinicama i ustanovama oružanih snaga, referenta roda - službe u bataljonu, odredu i opštinskom štabu odbrane, formacijskog mjesta čina poručnik i starješine ličnog čina poručnik;

b) u oblasti unutrašnjih poslova: komandira voda u brigadi specijalne namjene, stručnog saradnika u Ministarstvu unutrašnjih poslova u sjedištu, višeg stručnog saradnika u centru službi bezbjednosti i pomoćnika komandira stanice Policije u opštinama preko 50.000 stanovnika;

11) koeficijentom 3,55 poslovi:

a) u oblasti odbrane: pripadnika specijalizovane jedinice civilne zaštite, člana okružnog štaba civilne zaštite, pripadnika republičkog i okružnog centra za osmatranje i obavještanje i republičke i okružne jedinice veze i kriptozastite koji imaju visoku stručnu spremu i člana komisije visoke sprema koja se obrazuje pri Ministarstvu;

b) u oblasti unutrašnjih poslova: stručnog saradnika u centru službi bezbjednosti i stanici javne bezbjednosti i pomoćnika komandira stanice policije u opštinama od 25.000 do 50.000 stanovnika;

12) koeficijentom 3,40 poslovi:

a) u oblasti odbrane: formacijskog mjesta čina nadzastavnik, starješine ličnog čina nadzastavnik i višeg samostalnog referenta;

b) u oblasti unutrašnjih poslova: rukovodioca organizacione jedinice Ministarstva unutrašnjih poslova u sjedištu raspoređenog na poslove i zadatke srednje stručne sprema, pomoćnika stanice policije u opštinama do 25.000 stanovnika, komandira staničnog odjeljenja policije, rukovodioca organizacione jedinice u centru službi bezbjednosti raspoređenog na poslove i zadatke više školske sprema;

13) koeficijentom 3,30 poslovi:

a) u oblasti odbrane: formacijskog mjesta čina zastavnik i ličnog čina zastavnik;

b) u oblasti unutrašnjih poslova: komandira odjeljenja u jedinici brigade specijalne namjene, višeg samostalnog referenta u Ministarstvu unutrašnjih poslova u sjedištu, rukovodioca organizacione jedinice u centru službi bezbjednosti raspoređenog na poslove i zadatke srednje stručne sprema i rukovodioca organizacione jedinice stanice javne bezbjednosti raspoređenog na poslove i zadatke više stručne sprema;

14) koeficijentom 3,10 poslovi:

a) u oblasti odbrane: komandira odjeljenja u jedinici oružanih snaga, formacijskog mjesta čina čelnik i starješine ličnog čina čelnik;

b) u oblasti unutrašnjih poslova: policajca specijalca u brigadi specijalne namjene;

c) u kazneno-popravnim organizacijama: nadzornika straže;

15) koeficijentom 2,90 poslovi:

a) u oblasti odbrane: samostalnog referenta, formacijskog mjesta čina vodnik i starješine ličnog čina vodnik, pripadnika specijalizovane jedinice civilne zaštite i člana okružnog štaba civilne zaštite, pripadnika republičkog i okružnog centra za osmatranje i obavještanje, republičke i okružne jedinice veze i kriptozastite, sekretara okružnog vojnog suda i okružnog vojnog tužilaštva i upravnika vojnog pritvora koji imaju višu stručnu spremu;

b) u oblasti unutrašnjih poslova: samostalnog referenta u Ministarstvu unutrašnjih poslova u sjedištu i višeg samostalnog referenta u centru službi bezbjednosti;

c) u kazneno-popravnim organizacijama: starijeg stražara I klase;

16) koeficijentom 2,80 poslovi:

a) u oblasti unutrašnjih poslova: vode patrolnog sektora, samostalnog referenta u centru službi bezbjednosti, rukovodioca organizacione jedinice stanice javne bezbjednosti raspoređenog na poslove i zadatke srednje stručne sprema;

b) u kazneno-popravnim organizacijama: starijeg stražara;

17) koeficijentom 2,60 poslovi:

a) u oblasti odbrane: vojnika - borca oružanih snaga, vozača koji je naoružan i obezbjeđuje ličnost i stražara na obezbjeđenju objekta;

b) u oblasti unutrašnjih poslova policajca i drugi poslovi i zadaci policije i veze i kriptozastite koje obavljaju radnici raspoređeni na poslove srednje stručne sprema i poslovi samostalnog referenta u stanici javne bezbjednosti;

c) u kazneno-popravnim organizacijama stražara;

18) koeficijentom 2,50 poslovi:

a) u oblasti odbrane: višeg referenta;

b) u oblasti unutrašnjih poslova: višeg referenta na upravno-pravnim, administrativno-tehničkim i drugim poslovima iz osnovne djelatnosti raspoređenog na poslove i zadatke srednje stručne sprema;

19) koeficijentom 2,40 poslovi:

a) u oblasti odbrane: referenta, pripadnika specijalizovane jedinice civilne zaštite, člana okružnog štaba civilne zaštite, pripadnika republičkog i okružnog centra za obavještanje i republičke i okružne jedinice veze i kriptozastite sa sfernom stručnom spremom, referenta operatera na računaru i vozača;

b) u oblasti unutrašnjih poslova: referenta na poslovima i zadacima iz osnovne djelatnosti, operativno-tehnički poslovi i informaciono-dokumentacioni poslovi u Ministarstvu unutrašnjih poslova u sjedištu i centru službe bezbjednosti;

20) koeficijentom 2,30 poslovi:

a) u oblasti odbrane: člana štaba civilne zaštite i komandira jedinice civilne zaštite specijalizovane namjene u mjesnoj zajednici i vozača-kurira;

b) u oblasti unutrašnjih poslova: ostali poslovi i zadaci za radnike koji su raspoređeni na poslove i zadatke srednje stručne sprema;

21) koeficijentom 2,20 poslovi:

a) u oblasti odbrane: povjerenika i pripadnika specijalizovane jedinice civilne zaštite u mjesnoj zajednici i kuhara-konobara;

22) koeficijentom 2,10 poslovi:

a) u oblasti odbrane: pripadnika jedinice civilne zaštite opšte namjene u mjesnoj zajednici i daktilografa;

23) koeficijentom 1,30 poslovi:

a) u oblasti odbrane spremačice, higijeničara i pomoćnog radnika;

b) u oblasti unutrašnjih poslova pomoćni poslovi i zadaci (spremačica, higijeničar, pomoćni radnik i slični).

Član 5.

Poslovi koji nisu obuhvaćeni u članu 4. ove uredbe razvrstavaju se i vrednuju shodno srodnosti sa obilježjima grupa poslova koji su obuhvaćeni u odredbama tog člana.

Član 6.

Obračun i isplatu naknada pripadnicima civilne zaštite, službe osmatranja i obavještanja, jedinica veze i kriptozastite i pripadnike rezervnog sastava policije u skladu sa odgovarajućim koeficijentima iz člana 4. ove uredbe odnosi se na lica koja su po osnovu obaveze učešća u civilnoj zaštiti, odnosno vojne obaveze ili radne obaveze angažovani na tim poslovima i zadacima po osnovu ratnog rasporeda u skladu sa ratnim formacijama jedinica i štabova civilne zaštite, službe osmatranja i obavještanja, jedinica veze i kriptozastite i jedinica, organa i ustanova unutrašnjih poslova, za vrijeme ratnog stanja ili neposredne ratne opasnosti.

Naknade iz stava 1. ovog člana ostvaruju se pod uslovom ako su ta lica na tim poslovima angažovana najmanje osam sati dnevno.

Evidenciju lica iz stava 1. ovog člana i vrijeme njihovog angažovanja vodi:

- 1) za pripadnike civilne zaštite u opštini i mjesnoj zajednici - opštinski štab civilne zaštite;
- 2) za pripadnike službe osmatranja i obavještanja i jedinica veze i kriptozastite u opštini - opštinski sekretarijat odbrane;
- 3) za pripadnike okružnih jedinica i okružnog štaba civilne zaštite, okružnih jedinica veze i kriptozastite i okružnih centara za obavještanje - okružni sekretarijat odbrane;
- 4) za pripadnike Republičkog štaba civilne zaštite, republičkog centra za obavještanje i republičke jedinice veze i kriptozastite - Ministarstvo;
- 5) za rezervni sastav policije - Ministarstvo unutrašnjih poslova.

Član 7.

Iznos plate odnosno naknade koji se utvrdi u skladu sa odredbama člana 4. ove uredbe uvećava se za iznos sredstava koji se stiču po osnovu ukupnog radnog iskustva, odnosno minulog rada koji može iznositi najviše 20% u odnosu na dio plate po osnovu tekućeg rada.

Dio plate iz stava 1. ovog člana utvrđuje se tako što se plata utvrđena po osnovu tekućeg rada iz člana 4. ove uredbe uvećava za 0,50% (muškarac), odnosno 0,57% (žena) za svaku započetu godinu radnog staža, do zakonom utvrđenog najdužeg staža osiguranja za ostvarivanje prava na starosnu penziju.

Pod radnim iskustvom iz stava 1. ovog člana podrazumijeva se staž osiguranja sa efektivnim trajanjem i staž osiguranja koji se računa sa uvećanim trajanjem (beneficirani staž), osim vremena nakon prestanka obaveznog osiguranja za koje je plaćen doprinos (produženo osiguranje).

Član 8.

Borcima oružanih snaga, pripadnicima policije, straže i drugim licima na poslovima fizičkog obezbjeđenja iz člana 4. ove uredbe pored plate, odnosno naknade koja se utvrđuje u skladu sa odredbom člana 4. ove uredbe, pripada i dodatak po osnovu posebnih uslova rada i težine i prirode poslova odbrane i zaštite u visini od 30%.

Dodatak iz stava 1. ovog člana utvrđuje se tako što se plata, odnosno naknada utvrđena u skladu sa odredbama iz člana 4. i 7. ove uredbe, uvećava za 30%.

Za funkcionere, rukovodeće radnike i ostala lica iz člana 4. ove uredbe, uvećanje plate odnosno naknade po osnovu posebnih uslova rada, težine i prirode poslova i odgovornosti za njihovo obavljanje iznosi 10 do 30% i utvrđuje se posebno za svaki obračunski period (mjesec).

Pri određivanju dijela plate odnosno naknade iz stava 3. ovog člana polazi se od toga koliko su ta lica u toku mjeseca bila neposredno angažovana na izvršavanju zadataka pod otežanim uslovima, kao što su: rad na terenu - ratištu, požarstvo, dežurstvo, straža, cjelodnevno angažovanje na radnom mjestu, rad noću, rad duži od punog radnog vremena, rad u dane sedmičnog odmora i praznike, pripravnost, stalna prisutnost i druge činjenice i okolnosti koje otežavaju uslove za rad i dovode u opasnost život i zdravlje radnika.

Određivanje procenta uvećanja plate, odnosno naknade po osnovu elemenata iz stava 4. ovog člana vrši:

- 1) za radnike Ministarstva i pripadnike civilne odbrane - ministar odbrane ili lice koje on ovlasti;
- 2) za radnike Glavnog štaba i pripadnike oružanih snaga - načelnik Glavnog štaba ili lice koje on ovlasti;
- 3) za radnike Ministarstva unutrašnjih poslova - ministar unutrašnjih poslova ili lice koje on ovlasti;
- 4) za radnike Ministarstva pravosuđa i uprave - ministar pravosuđa i uprave ili lice koje on ovlasti.

Član 9.

Radnicima koji u skladu sa odredbom člana 8. ove uredbe ostvaruju uvećana sredstva za platu ne pripada naknada za rad duži od punog radnog vremena, rad noću, rad u dane sedmičnog odmora, za učešće na vježbama, u otklanjanju posljedica elementarnih nepogoda, kao i za obaveznu prisutnost i pripravnost.

Član 10.

Obračun plate odnosno naknade u skladu sa odredbama čl. 4, 7. i 8. ove uredbe, za lica iz člana 4. ove uredbe, vrši se na osnovu ocjene nadležnog rukovodioca iz člana 8. stav 5. ove uredbe.

Ocjena iz stava 1. ovog člana vrši se za svaki obračunski period (mjesечно).

III - ZAVRŠNA ODREDBA

Član 11.

Ova uredba stupa na snagu danom objavljivanja u "Službenom listu RBiH", a odredba člana 4. ove uredbe primjenjivat će se od 1. aprila 1993. godine.

PR broj 1498/93
23. aprila 1993. godine
Sarajevo

Predsjednik
Predsjedništva RBiH,
Alija Izetbegović, s. r.

236

Na osnovu člana 49. stav 1. Poslovnika Predsjedništva Republike Bosne i Hercegovine ("Službeni list SRBiH", broj 37/91 i "Službeni list RBiH", broj 5/92) Predsjedništvo Republike Bosne i Hercegovine, donosi

ODLUKU O PROTOKOLU REPUBLIKE BOSNE I HERCEGOVINE

I

Ovom odlukom osniva se Protokol Republike Bosne i Hercegovine (u daljem tekstu: Protokol) kao zajednička stručna služba za obavljanje protokolarnih poslova za Predsjedništvo Republike Bosne i Hercegovine (u daljem tekstu: Predsjedništvo), Skupštinu Republike Bosne i Hercegovine (u daljem tekstu: Skupština), Vladu Republike Bosne i Hercegovine (u daljem tekstu: Vlada) i ministarstva.

II

Protokol može obavljati protokolarne poslove i za potrebe drugih republičkih organa, i organizacija, uz saglasnost Predsjedništva.

III

U vršenju protokolarnih poslova Protokol postupa u skladu sa uputstvom o protokolu koje donosi Predsjedništvo.

IV

Protokol obavlja protokolarne poslove koji se odnose na:

1. posjete šefova stranih država i parlamenata, vlada i partija, državnih i državno partijskih delegacija, delegacija međunarodnih organizacija drugih delegacija i ličnosti, koje dolaze u Republiku Bosnu i Hercegovinu (u daljem tekstu: Republika) na poziv državnih organa i organizacija Republike iz čl. 1. i 2. ove odluke.
2. nastupne, radne i oproštajne posjete šefova diplomatskih predstavništava i ostalih diplomatskih konzularnih predstavnika koji dolaze u posjetu Republici,
3. učešće određenih republičkih funkcionera na prijemima i drugim svečanostima koje priređuju diplomatska i konzularna predstavništva, kao i predstavništva međunarodnih organa,
4. službene posjete funkcionera i delegacija stranih država Republici,
5. posjete određenih republičkih funkcionera i delegacija Republike stranim državama i međunarodnim organizacijama,
6. prevođenje tekstova sa stranih jezika, usmenog i pismenog prevođenja na strane jezike, odnosno sa stranih jezika na jezik koji je u službenoj upotrebi u Republici,
7. obilježavanje značajnih događaja i ličnosti iz istorije naroda i narodnosti Republike,
8. državne i nacionalne proslave i druge svečanosti i manifestacije,
9. uručenje odlikovanja i priznanja koja vrše predstavnici organa i organizacija iz čl. 1. i 2. ove odluke,

10. nacionalne žalosti,
11. sahrane određenih republičkih funkcionera i zaslužnih građana.

Protokol može pružati stručnu pomoć u organizovanju rada i vršenju protokolarnih poslova u odgovarajućim stručnim službama (protokolima) opštinskih organa i grada Sarajeva.

Protokol izuzetno vrši i druge protokolarne poslove koje odrede organi i organizacije iz čl. 1. i 2. ove odluke.

V

Za svaku protokolarnu posjetu ili manifestaciju iz člana 4. ove odluke Protokol, u saradnji sa organom ili organizacijom za koju obavlja protokolarni posao, izrađuje program i obezbjeđuje njegovo izvršenje.

VI

Prilikom posjete šefova stranih država vlada ili partija, kao i u drugim protokolarnim poslovima, Protokol je dužan da primjenjuje liste preseansa državnih i političkih položaja u Republici.

VII

Protokol saraduje sa ministarstvima i drugim republičkim organima i organizacijama u cilju uspješne realizacije protokolarnih poslova i sa odgovarajućim organima opština, odnosno grada Sarajeva.

VIII

Poslove iz člana 4. ove odluke Protokol vrši bez naknade.

Troškovi zvaničnih posjeta i manifestacija padaju na teret organa i organizacija koji su domaćini i za čije potrebe Protokol obavlja protokolarne poslove.

IX

Radom Protokola rukovodi šef Protokola.

X

Šefa Protokola postavlja i razrješava Predsjedništvo.

XI

U pogledu rukovođenja Protokola, šef Protokola ima prava i dužnosti funkcionera koji rukovodi republičkim organom uprave.

XII

Korištenje reprezentativnih objekata i prevoznih sredstava organa iz člana 1. ove odluke za protokolarne potrebe uređuje se uputstvom iz člana 3. ove odluke.

XIII

Sredstva za rad Protokola obezbjeđuju se u republičkom budžetu, osim sredstava iz člana 8. stav 2. ove odluke.

XIV

Predsjedništvo će donijeti uputstvo iz člana 3. ove odluke u roku od 15 dana od dana stupanja na snagu ove odluke.

XV

Radnike Službe za zajedničke poslove republičkih organa koji su obavljali i protokolarne poslove u skladu sa Uredbom o Službi za zajedničke poslove republičkih organa ("Službeni list SRBiH", broj 29/89) preuzet će Protokol.

XVI

Šef Protokola donijet će Pravilnik o unutrašnjoj organizaciji Protokola u roku od 15 dana od dana njegovog postavljenja.

XVII

Danom stupanja na snagu ove odluke prestaju da važe odredbe člana 3. stav 1. alineja 2. i člana 4. Uredbe o Službi za zajedničke poslove republičkih organa ("Službeni list SRBiH", broj 29/89).

XVIII

Ova odluka stupa na snagu danom objavljivanja u "Službenom listu RBiH".

PR broj 1500/93
23. aprila 1993. godine
Sarajevo

Predsjednik
Predsjedništva RBiH,
Alija Izetbegović, s. r.

237

Na osnovu člana 222. stav 4. Ustava Republike Bosne i Hercegovine - Prečišćeni tekst ("Službeni list RBiH", broj 5/93), Predsjedništvo Republike Bosne i Hercegovine, na sjednici od 23. aprila 1993. godine, donijelo je

ODLUKU

O IZBORU PREDSEDNIKA USTAVNOG SUDA BOSNE I HERCEGOVINE

I

Za predsjednika Ustavnog suda Bosne i Hercegovine bira se prof. dr ISMET DAUTBAŠIĆ, dosadašnji predsjednik Ustavnog suda Bosne i Hercegovine.

II

Ovu odluku objaviti u "Službenom listu RBiH".

Broj 02-111-247/93
23. aprila 1993. godine
Sarajevo

Predsjednik
Predsjedništva RBiH,
Alija Izetbegović, s. r.

238

Na osnovu člana 11. Uredbe sa zakonskom snagom o okružnom vojnom tužilaštvu ("Službeni list RBiH", br. 12/92, 21/92 i 23/92) u vezi sa članom 20. Uredbe sa zakonskom snagom o okružnim vojnim sudovima ("Službeni list RBiH", br. 12/92, 21/92 i 23/92), na prijedlog ministra odbrane, Predsjedništvo Republike Bosne i Hercegovine, donosi

ODLUKU

O RAZRJEŠENJU I IMENOVANJU ZAMJENIKA OKRUŽNOG VOJNOG TUŽIOCA

I

Razrješava se dužnosti zamjenik okružnog vojnog tužioca u Okružnom vojnom tužilaštvu u Doboju RUVIĆ GORAN, radi samovoljnog napuštanja dužnosti i nedolaska na posao.

II

Za zamjenika okružnog vojnog tužioca u Okružnom vojnom tužilaštvu u Doboju imenuje se BEŠIĆ REUF.

III

Ministarstvo odbrane regulisaće statusna i druga pitanja razriješenog i imenovanog zamjenika okružnog vojnog tužioca.

IV

Ova odluka stupa na snagu danom donošenja i objaviće se u "Službenom listu RBiH".

Broj 02-111-249/93
23. aprila 1993. godine
Sarajevo

Predsjednik
Predsjedništva RBiH,
Alija Izetbegović, s. r.

239

Na osnovu Amandmana LI tačka 5, stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Mandatno-imunitetske komisije Skupštine RBiH, na sjednici od 21. decembra 1992. godine, donosi

ODLUKU

O PRESTANKU MANDATA POJEDINIM POSLANICIMA SKUPŠTINE REPUBLIKE BOSNE I HERCEGOVINE

I

Prestaje mandat poslanicima Skupštine Republike Bosne i Hercegovine, koji su neposredno ili posredno učestvovali u agresiji na Republiku Bosnu i Hercegovinu, i to:

1. KUPREŠANIN VOJO
2. KASAGIĆ RAJKO
3. SRDIĆ SRDA

4. SUBAŠIĆ PETAR
5. STUPAR VELJKO
6. TIMURAC SVETOZAR
7. MILOVANOVIĆ PANTELJIJE
8. KUZMANOVIĆ MILORAD
9. ČURIĆ DRAGAN
10. BOGIĆ GAVRO
11. GRABOVAC ANDELKO
12. MILOVANOVIĆ MILOVAN
13. ZORIĆ MILAN
14. VJEŠTICA MIROSLAV
15. JOLDIĆ MIODRAG
16. VASILJEVIĆ MLADENKO
17. BJELOŠEVIĆ MILOVAN
18. KNEŽEVIĆ SAVO
19. SIMIĆ BRANKO
20. SPREMO RADOVAN
21. MAKSIMOVIĆ VOJISLAV
22. BUHA ALEKSA
23. MILJANOVIĆ MITAR
24. TRBOJEVIĆ MILAN
25. KRAJISNIK MOMČILO
26. NOVAKOVIĆ MILAN
27. MIJATOVIĆ JOVO
28. ZEKIĆ GORAN
29. VOJINOVIĆ MILENKO
30. TEŠIĆ MILAN
31. NEDIĆ MILADIN
32. UROŠEVIĆ DUŠAN
33. KISIN NIKOLA
34. MIČIĆ MOMČILO
35. KALINIĆ DRAGAN
36. ERCEG NIKOLA
37. MIČIĆ DRAGOLJUB
38. LERO MILOŠ
39. GRBIĆ BRANKO
40. GAKOVIĆ MOMIR
41. MILANOVIĆ DRAGAN
42. BIJELIĆ SLOBODAN
43. ZELJKOVIĆ DUŠKO
44. NINKOVIĆ MILAN
45. ČANČAR PETKO
46. KOVAČEVIĆ VLADO
47. ČORDA SAVO
48. TOŠIĆ MOMIR
49. BOSILJIĆ LJUBO
50. RADIĆ TRIFKO
51. LAZOVIĆ GRUJO
52. KALABIĆ RAJKO
53. ĐEKANOVIĆ NEDJELJKO
54. KELEČEVIĆ ZLATKO
55. KONTIĆ MARINKO
56. KEROVIĆ DRAGOMIR
57. KOZIĆ DUŠAN
58. BLAGOJEVIĆ STANKO
59. MALIŽA MILAN
60. GOLIJANIN MOMČILO
61. VESELINOVIĆ NENAD
62. VIDIĆ DOBRIVOJE
63. MILINKOVIĆ DOBROSLAV
64. RAŠULA NEDJELJKO
65. GLAMIČIĆ SLAVKO
66. SIMIĆ MARKO
67. OLJAČA OSTOJA
68. NEDIĆ ILIJA
69. MEDIĆ STEVAN
70. BUCALO VOJIN
71. MIJATOVIĆ MIRKO
72. GAVRIĆ NEDO
73. PEJOVIĆ DUŠKO
74. BRDANIN RADOŠLAV
75. MIŠIĆ BOŠKO

Ovu odluku objaviti u "Službenom listu RBiH".

Broj 02-111-909/92

21. decembra 1992. godine
Sarajevo

Predsjednik

Predsjedništva RBiH,
Alija Izetbegović, s. r.

240

Na osnovu Amandmana LI, tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na sjednici od 21. decembra 1992. godine, donijelo je

ODLUKU

O PRESTANKU MANDATA POSLANICIMA SKUPŠTINE REPUBLIKE BOSNE I HERCEGOVINE

I

Prestaje mandat poslanicima Vijeća opština Skupštine Republike Bosne i Hercegovine SUADU ALIBEGIĆU iz Bosanske Krupe, NIJAZU SUKRIĆU iz Novog grada Sarajevo i MILUTINU NAJDANOVIĆU iz Sarajeva, iz Vijeća građana.

II

Ovu odluku objaviti u "Službenom listu RBiH".

Broj 02-111-910/92

21. decembra 1992. godine
Sarajevo

Predsjednik

Predsjedništva RBiH,
Alija Izetbegović, s. r.

241

Na osnovu člana 45. stav 2. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92), Vlada Republike Bosne i Hercegovine, donosi

ODLUKU

O OSNIVANJU LOGISTIČKIH CENTARA ZA HUMANITARNU POMOĆ NA TERITORIJI REPUBLIKE HRVATSKE

I

Osnivaju se logistički centri za humanitarnu pomoć Vlade Republike Bosne i Hercegovine (u daljem tekstu: Vlada) na teritoriji Republike Hrvatske.

Logistički centri iz stava 1. ove tačke (u daljem tekstu: logistički centri) rade na operacionalizaciji Rezolucije Savjeta bezbjednosti 757 i "Projekta snabdijevanja stanovništva Republike Bosne i Hercegovine", u skladu sa "Protokolom o suradnji Vlade Republike Hrvatske i Vlade Republike Bosne i Hercegovine", kao i stvaranju organizacionih preduslova za optimiziranje procesa snabdijevanja radi obezbjeđenja preživljavanja stanovništva Republike Bosne i Hercegovine.

II

Logistički centri osnivaju se u:

Zagrebu
Splitu
Rijeci
Pločama i
Slavonskom Brodu.

Logistički centri osnivaju se za vrijeme dok traje potreba za njihovim radom.

III

Radom logističkih centara koordinira Odjel za ekonomske odnose i humanitarnu pomoć Ambasade Republike Bosne i Hercegovine u Zagrebu.

IV

Zaposleni radnici u logističkim centrima su detaširani radnici Ministarstva robnog prometa, poduzetništva i turizma.

V

Radom logističkog centra rukovodi direktor, kojeg imenuje i razrješava Vlada Republike Bosne i Hercegovine.

VI

Logistički centri koriste partiju računa otvorenu za potrebe Odjela za ekonomske odnose i humanitarnu pomoć Ambasade Republike Bosne i Hercegovine u Zagrebu.

Nalogodavac je minsitar robnog prometa, poduzetništva i turizma.

Potpisnici su: direktor Odjela za ekonomske odnose i humanitarnu pomoć Ambasade Republike Bosne i Hercegovine u Zagrebu i lice koje ovlasti ministar robnog prometa, poduzetništva i turizma.

VII

Prokurom koja se daje direktorima logističkih centara, ministar robnog prometa, poduzetništva i turizma utvrđuje ovlaštenje za zaključivanje ugovora i vršenje drugih pravnih poslova u vezi sa ostvarivanjem funkcije logističkog centra.

VIII

Ova odluka stupa na snagu danom objavljivanja u "Službenom listu RBiH".

V broj 124/93
29. aprila 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

242

Na osnovu člana 45. stav 2. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92), Vlada Republike Bosne i Hercegovine, donosi

ODLUKU

O OSNIVANJU LOGISTIČKIH CENTARA ZA SNABDJEVANJE STANOVNIŠTVA REPUBLIKE BOSNE I HERCEGOVINE

I

Osnivaju se logistički centri na teritoriji Republike Bosne i Hercegovine u:

Tuzli	Travniku	Goraždu
Bihaću	Zenici	Visokom
Mostaru	Livnu	Jajcu
Sarajevu	Banja Luci	Gračanici
Konjic-Čelebići.		

II

Radom logističkih centara rukovode direktori, koje imenuje i razrješava Vlada Republike Bosne i Hercegovine.

III

Zaposlenici radnici u logističkim centrima su detaširani radnici Ministarstva robnog prometa, poduzetništva i turizma.

Ovlašćuju se direktori logističkih centara da mogu angažovati, na određeno vrijeme, potreban broj radnika za rad u logističkom centru.

IV

Prihodi ostvareni po osnovu redovnih i proširenih djelatnosti logističkih centara uplaćuju se na poseban račun Direkcije za robne rezerve Republike Bosne i Hercegovine i predstavljaju prihode republičkog budžeta.

V

Stupanjem na snagu ove odluke prestaje da važi Odluka o uspostavljanju logističkih centara humanitarne pomoći i druge pomoći Republici Bosni i Hercegovini ("Službeni list RBiH", broj 6/92).

VI

Ova odluka stupa na snagu danom objavljivanja u "Službenom listu RBiH".

V broj 125/93
29. aprila 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

243

Na osnovu člana 45. stav 2. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92) i člana 5. Uredbe o privremenom uređivanju poreza na promet proizvoda i usluga ("Službeni list SRBiH", br. 3/92 i 5/92), Vlada Republike Bosne i Hercegovine, donosi

ODLUKU

O VISINI KAMATNE STOPE NA IZNOS POREZA NA PROMET PROIZVODA I USLUGA KOJI NIJE PLAĆEN U PROPISANOM ROKU

I

Na iznos poreza na promet proizvoda i usluga koji nije plaćen u zakonom propisanom roku, plaća se kamata po stopi od 5% za svaki dan zakašnjenja.

II

Ova odluka stupa na snagu danom objavljivanja u "Službenom listu RBiH".

V broj 126/93
6. maja 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

244

Na osnovu člana 45. stav 4. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92), Vlada Republike Bosne i Hercegovine, donosi

RJEŠENJE

O POSTAVLJENJU DIREKTORA LOGISTIČKOG CENTRA U PLOČAMA

Za direktora Logističkog centra u Pločama postavlja se SALKO HANDŽIĆ.

Ovo rješenje objaviti u "Službenom listu RBiH".

V broj 112/93
29. aprila 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

245

Na osnovu člana 45. stav 4. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92), Vlada Republike Bosne i Hercegovine, donosi

RJEŠENJE

O POSTAVLJENJU DIREKTORA LOGISTIČKOG CENTRA U SPLITU

Za direktora Logističkog centra u Splitu postavlja se TARIK JAŠAREVIĆ.

Ovo rješenje objaviti u "Službenom listu RBiH".

V broj 111/93
29. aprila 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

246

Na osnovu člana 45. stav 4. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92), Vlada Republike Bosne i Hercegovine, donosi

RJEŠENJE

O RAZRJEŠENJU DIREKTORA LOGISTIČKOG CENTRA U PLOČAMA

Razrješava se ŽELJKO RAGUŽ dužnosti direktora Logističkog centra u Pločama.

ublike
/90 i
redbe
sluga
ublike

NA

i nije
stopi

užbe-

ublike
3/90 i
ublike

G
lja se

ublike
3/90 i
ublike

OG
e TA-

ublike
3/90 i
ublike

G

Logi-

Ovo rješenje objaviti u "Službenom listu RBiH".

V broj 114/93
29. aprila 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

247

Na osnovu člana 45. stav 4. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", br. 4/92, 19/92 i 23/92), Vlada Republike Bosne i Hercegovine, donosi

RJEŠENJE

O RAZRJEŠENJU DIREKTORA LOGISTIČKOG CENTRA U SPLITU

Razrješava se MUNIB KARAVIDIĆ dužnosti direktora Logističkog centra u Splitu.

Ovo rješenje objaviti u "Službenom listu RBiH".

V broj 113/93
29. aprila 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

248

Na osnovu tačke III Odluke o obrazovanju Ekonomskog savjeta Vlade Republike Bosne i Hercegovine ("Službeni list RBiH", broj 17/92), Vlada Republike Bosne i Hercegovine, donosi

RJEŠENJE

O RAZRJEŠENJU I IMENOVANJU ČLANOVA EKONOMSKOG SAVJETA VLADE RBiH

1. Razrješavaju se dužnosti članovi Ekonomskog savjeta Vlade RBiH:

- 1) Cvitan Dujmović
- 2) dr Ante Markotić
- 3) dr Dragoljub Stojanov

2. Za članove Ekonomskog savjeta Vlade RBiH imenuju se:

- 1) dr Jozo Sović
- 2) dr Vojimir Radojičić
- 3) dr Anto Domazet

3. Ovo rješenje objaviti u "Službenom listu RBiH".

V broj 120/93
29. aprila 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

249

Na osnovu člana 182. stav 4. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE

O POSTAVLJENJU DIREKTORA DIREKCIJE REPUBLIKE BOSNE I HERCEGOVINE ZA CIVILNU I VAZDUŠNU PLOVIDBU

Za direktora Direkcije Republike Bosne i Hercegovine za civilnu i vazdušnu plovidbu postavlja se ISMET ŠEČIĆ.

Ovo rješenje objaviti u "Službenom listu RBiH".

V broj 110/93
29. aprila 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

250

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE

O POSTAVLJENJU GLAVNOG REPUBLIČKOG URBANISTIČKO-GRADEVINSKOG INSPEKTORA

Za glavnog republičkog urbanističko-građevinskog inspektora u Ministarstvu prostornog uređenja, građevinarstva i zaštite okoline postavlja se VLADIMIR TURIN.

Ovo rješenje objaviti u "Službenom listu RBiH".

V broj 107/93
29. aprila 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

251

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", br. 4/92, 21/92 i 3/93), Vlada Republike Bosne i Hercegovine, donosi

RJEŠENJE

O POSTAVLJENJU POMOĆNIKA MINISTRA PROSTORNOG UREĐENJA, GRAĐEVINARSTVA I ZAŠTITE OKOLINE

Za pomoćnika ministra prostornog uređenja, građevinarstva i zaštite okoline, postavlja se AMRA HADŽIMUHAMEDOVIĆ.

Ovo rješenje objaviti u "Službenom listu RBiH".

V broj 109/93
29. aprila 1993. godine
Sarajevo

Potpredsjednik
Vlade RBiH,
mr Hadžo Efendić, s. r.

252

Na osnovu člana 39. stav 2. Uredbe sa zakonskom snagom o primjeni zakona o finansiranju opštih društvenih potreba ("Službeni list RBiH", br. 11/92, 3/93 i 8/93) ministar finansija donosi

UPUTSTVO

O NAČINU EVIDENTIRANJA I RASPOLAGANJA SREDSTVIMA NA DEVIZNOM RAČUNU "MINISTARSTVO FINANSIJA - SREDSTVA REPUBLIKE"

1. Devizni račun za finansiranje deviznih potreba Republike Bosne i Hercegovine (u daljem tekstu: Republika) otvara Ministarstvo finansija kod Narodne banke Bosne i Hercegovine (u daljem tekstu: Narodna banka) pod nazivom: "MINISTARSTVO FINANSIJA - SREDSTVA REPUBLIKE", kod koje se vodi u okviru grupe računa br. 723 (devizni računi društveno-političkih zajednica).

2. Na devizni račun iz tačke 1. ovog uputstva uplaćuju se i evidentiraju svi prilivi ostvareni u zemlji i inostranstvu koji predstavljaju devizni prihod Republike i isplaćuju se i evidentiraju svi odlivi, izvršeni u zemlji i inostranstvu za potrebe Republike, a koji predstavljaju devizni rashod Republike.

3. Kao prihodi na računu iz tačke 1. ovog uputstva vode se devizna sredstva ostvarena po osnovu naplaćenog ratnog poreza, konzularnih taksa, donacija, kredita, zajmova i ostalih pozajmica, kao i devizna sredstva pribavljena namjenski i uplaćena za potrebe Republike, njezinih organa, oružanih snaga Republike Bosne i Hercegovine i ostalih korisnika deviznih sredstava koji sredstva ostvaruju putem ovog računa.

4. Kao rashodi na računu iz tačke 1. ovog uputstva vode se sva plaćanja koja su izvršena u devizama za potrebe Republike, njezinih organa, oružanih snaga Republike Bosne i Hercegovine i ostalih korisnika, a koji su predviđeni bilansom deviznih prihoda i rashoda Republike i koji su isplaćeni na način i prema uslovima predviđenim ovim uputstvom.

5. Devizna sredstva koja se nalaze i koja se koriste putem računa iz tačke 1. ovog uputstva, evidentiraće se i iskazivati na računu i u poslovnim knjigama, po vrstama valuta u kojima su ostvarena i utrošena a za potrebe deviznog bilansa biće preračunata i iskazana u američkim dolarima.

6. Narodna banka će, u okviru računa "MINISTARSTVO FINANSIJA - SREDSTVA REPUBLIKE" BR. 723, otvoriti podračune prema izvorima i korisnicima sredstava.

7. Sve prilive Narodna banka će knjižiti na računu br. 723 i pismenim putem u zakonskom roku, će izvještavati Ministarstvo finansija o ostvarenom prilivu (obr. 743, 746 uz izvod).

8. Devizne prilive za koje se, na osnovu prateće dokumentacije, može utvrditi namjena odnosno krajnji korisnik sredstava (identifikovani prilivi), Narodna banka odmah prenosi i knjiži na odgovarajuće podračune.

Devizne prilive za koje se u pratećoj dokumentaciji ne navodi krajnji korisnik sredstava (neidentifikovani), Narodna banka knjiži na osnovni račun (Rn. br. 723) a prenos na podračune vrši na osnovu naloga Ministarstva finansija.

9. Devizna sredstva iz tačke 1. ovog uputstva koriste se u skladu sa ovim uputstvom i posebnim zakonom a sredstva koja su namjenski ostvarena koriste se namjenski na način predviđen posebnim zakonima i uputstvima donesenim u cilju korištenja tih sredstava.

10. Devizna sredstva koja se nalaze na računu "MINISTARSTVO FINANSIJA - SREDSTVA REPUBLIKE" otvorenom kod Narodne banke, mogu se koristiti u skladu sa deviznim bilansom Republike prema slijedećoj proceduri:

- zahtjevi za plaćanje dostavljaju se Ministarstvu finansija,
- svi zahtjevi moraju biti dokumentovani. Plaćanja se mogu vršiti na osnovu odluke Vlade Republike Bosne i Hercegovine, urednih ugovora, faktura, proforma faktura, obavještenje poslovnice banke o dospjelim plaćanjima i slično,
- Ministarstvo finansija razmatra zahtjeve vodeći računa da li su ispunjeni uslovi predviđeni tač. 9. i 10. ovog uputstva.
- Ministarstvo finansija može odobriti plaćanja samo u okviru sredstava sa kojima raspolaže na ovom računu.

11. Naloge za plaćanje u ime Ministarstva finansija potpisuju:

- 1) ministar;
- 2) zamjenik ministra;
- 3) podsekretar;
- 4) pomoćnik ministra za budžet;
- 5) pomoćnik ministra za pravne poslove.

Nalozu se ovjeravaju pečatom Ministarstva finansija.

12. Ministarstvo finansija se obavezuje da najmanje jednom u tri mjeseca izvještava Vladu Republike Bosne i Hercegovine o stanju i kretanju sredstava na ovom računu.

13. Ovo uputstvo stupa na snagu danom objavljivanja u "Službenom listu RBiH".

Broj 04-482-115/93

28. aprila 1993. godine
Sarajevo

Zamjenik ministra

Logo Muhamed, s. r.

Uprava za boračko-invalidsku zaštitu Bosne i Hercegovine

Na osnovu člana 49. stav 4. Zakona o osnovnim pravima vojnih invalida i porodica palih boraca ("Službeni list SFRJ", br. 68/81, 41/83, 75/85, 44/89, 87/89, 20/90 i 2/90), koji je preuzet Uredbom sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92), direktor Uprave za boračko-invalidsku zaštitu Republike Bosne i Hercegovine, izdaje

NAREDBU

O USKLADIVANJU MJESEČNIH NOVČANIH IZNOSA LIČNE INVALIDNINE, PORODIČNE INVALIDNINE I UVEĆANE PORODIČNE INVALIDNINE, DODATKA ZA NJEGU I POMOĆ OD STRANE DRUGOG LICA I ORTOPEDSKOG DODATKA

1. Mjesečni novčani iznos lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka, povećavaju se za 30,63%, počev od 1. marta 1993. godine.

2. Povećanje iz tačke 1. ove naredbe izvršice se na iznose utvrđene Naredbom o uskladivanju mjesečnih novčanih iznosa

lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka, počev od 1. januara 1993. godine ("Službeni list RBiH", broj 3/93).

3. Ova naredba stupa na snagu danom objavljivanja u "Službenom listu RBiH", a primjenjivaće se od 1. marta 1993. godine.

Broj 122/93
27. aprila 1993. godine
Sarajevo

Za direktora
potpredsjednik Vlade RBiH,
dr Zlatko Lagumdžija, s. r.

Na osnovu člana 56. stav 3. Zakona o zaštiti boraca narodnooslobodilačkog rata ("Službeni list SRBiH", broj 35/90), direktor Uprave za boračko-invalidsku zaštitu Republike Bosne i Hercegovine, izdaje

NAREDBU

O USKLADIVANJU MJESEČNIH NOVČANIH IZNOSA OSNOVNOG OBEZBJEDENJA, PORODIČNOG DODATKA, DODATKA ZA NJEGU I POMOĆ DRUGOG LICA, STALNOG OBEZBJEDENJA I IZUZETNOG OBEZBJEDENJA

1. Osnovno obezbjeđenje, porodični dodatak, dodatak za njegu i pomoć drugog lica, stalno obezbjeđenje i izuzetno obezbjeđenje po Zakonu o zaštiti boraca narodnooslobodilačkog rata, povećavaju se za 30,63%, počev od 1. marta 1993. godine.

2. Povećanje iz tačke 1. ove naredbe izvršice na iznose utvrđene Naredbom o uskladivanju mjesečnih novčanih iznosa osnovnog obezbjeđenja, porodičnog dodatka, dodatka za njegu i pomoć drugog lica, stalnog obezbjeđenja i izuzetnog obezbjeđenja, počev od 1. januara 1993. godine ("Službeni list RBiH", broj 3/93).

3. Ova naredba stupa na snagu danom objavljivanja u "Službenom listu RBiH", a primjenjivaće se od 1. marta 1993. godine.

Broj 121/93
27. aprila 1993. godine
Sarajevo

Za direktora
potpredsjednik Vlade RBiH,
dr Zlatko Lagumdžija, s. r.

Na osnovu člana 77. stav 2. Zakona o zaštiti vojnih invalida ("Službeni list SRBiH", broj 35/90), direktor Uprave za boračko-invalidsku zaštitu Republike Bosne i Hercegovine, izdaje

NAREDBU

O USKLADIVANJU MJESEČNIH NOVČANIH IZNOSA INVALIDSKOG DODATKA, DODATKA ZA NJEGU I POMOĆ DRUGOG LICA I DODATKA ZA DJECU

1. Invalidski dodatak, dodatak za njegu i pomoć drugog lica i dodatak na djecu određeni po Zakonu o zaštiti vojnih invalida, povećavaju se za 30,63%, počev od 1. marta 1993. godine.

2. Povećanje iz tačke 1. ove naredbe izvršice se na iznose utvrđene Naredbom o uskladivanju mjesečnih novčanih iznosa invalidskog dodatka, dodatka za njegu i pomoć drugog lica i dodatka na djecu od 1. januara 1993. godine ("Službeni list RBiH", broj 3/93).

3. Ova naredba stupa na snagu danom objavljivanja u "Službenom listu RBiH", a primjenjivaće se od 1. marta 1993. godine.

Broj 123/93
27. aprila 1993. godine
Sarajevo

Za direktora
potpredsjednik Vlade RBiH,
dr Zlatko Lagumdžija, s. r.

Zavod za statistiku RBiH

SAOPŠTENJE - SAOPĆENJE

PROSJEČAN MJESEČNI ČIST LIČNI/OSOBNI DOHODAK ZA FEBRUAR/VELJAČA 1993. GODINE

1. Prosječan mjesečni čist lični/osobni dohodak u Republici Bosni i Hercegovini za mjesec februar/veljača 1993. godine

iznosi 127.708 BHD. U odnosu na prethodni mjesec indeks je 128,5.

2. Prosječni mjesečni čisti lični/osobni dohodak u privredi Republike Bosne i Hercegovine za mjesec februar/veljača 1993. godine iznosi 144.944 BHD. U odnosu na prethodni mjesec index je 138,0.

3. Prosječan mjesečni čisti lični/osobni dohodak u vanprivrednim djelatnostima Republike Bosne i Hercegovine za mjesec februar/veljača 1993. godine iznosi 83.014 BHD. U odnosu na prethodni mjesec index je 109,6.

4. Prosječan mjesečni čisti lični/osobni dohodak u Republici Bosni i Hercegovini za period decembar/prosinac 1992. - februar/veljača 1993. iznosi 108.277 BHD. U odnosu na isti period prethodne godine index je 9.665,0.

5. Prosječan mjesečni čisti lični/osobni dohodak u privredi Republike Bosne i Hercegovine za period decembar/prosinac 1992. - februar/veljača 1993. iznosi 115.849 BHD. U odnosu na isti period prethodne godine index je 10.732,7.

6. Prosječan mjesečni čisti lični/osobni dohodak u vanprivrednim djelatnostima Republike Bosne i Hercegovine za period decembar/prosinac 1992. - februar/veljača 1993. iznosi 88.651 BHD. U odnosu na isti period prethodne godine index je 6.714,9.

Broj 22/93
27. aprila 1993. godine
Sarajevo

Direktor
dr Hasan Zolić, s.r.

Privredna komora Sarajevo

Na osnovu člana 19. i 37. Statuta Privredne komore regije Sarajevo, Upravni odbor je 29. aprila-travnja 1993. godine, donio

ODLUKU

O FINANSIRANJU PRIVREDNE KOMORE REGIJE SARAJEVO ZA 1993. GODINU

I

Finansiranje Privredne komore regije Sarajevo (u daljem tekstu: Komora) za 1993. godinu vršiće se srazmjerno korištenim sredstvima u četvrtom tromjesečju prethodne godine uvećano za 25% na ime materijalnih troškova i za koeficijent rasta cijena proizvoda, industrijskih proizvoda i komunalnih usluga, te povećanja troškova života prema zvaničnim podacima Zavoda za statistiku Republike BiH.

II

Prihodi Komore ostvarivaće se: članskim doprinosom, od naknada za obavljanje usluga Komore i drugih izvora.

III

Obračun i uplatu članskog doprinosa obveznici doprinosa Komori - članice Komore vršiće na način koji je važio za prethodnu godinu.

Prilikom obračuna primjeniće se stopa iz prethodne godine od 1,50 promila na osnovicu koju čini obračunati bruto lični dohodak za period za koji se vrši obračun.

IV

Rashodi Komore vršiće se najviše do visine ostvarenih prihoda i to: za bruto lične dohotke do visine ličnih dohodaka članica Komore te gradskih i republičkih institucija, a materijalni rashodi samo za potrebe normalnog funkcionisanja rada Komore. Nabavka opreme u ovom periodu neće se vršiti. Izuzetno, po potrebi, mogu se angažovati sredstva za investiciono održavanje i to samo za najnužnije opravke u cilju stvaranja uslova normalnog funkcionisanja Komore.

V

Sve ostale odredbe iz Odluke o utvrđivanju osnovice i stope članskog doprinosa, načinu i rokovima plaćanja doprinosa Komori za 1992. godinu ("Službeni list SRBiH", broj 3/92) primjenjivaće se i za 1993. godinu.

VI

Ova odluka stupa na snagu danom objavljivanja u "Službenom listu RBiH", a primjenjivaće se od 1. januara 1993. godine.

PK broj 37/93
29. aprila 1993. godine
Sarajevo

Predsjednik
Komore
Draško Mitić, s. r.

SLUŽBENE OBJAVE

KONKURSI

Savjet Stomatološkog fakulteta u Sarajevu raspisuje

KONKURS

Izbor saradnika u zvanje asistenta na predmet Oralne hirurgije na Stomatološkom fakultetu u Sarajevu na period od četiri godine.

Uslovi: završen Stomatološko fakultet sa prosječnom ocjenom osam (8) i ocjena devet (9) iz predmeta Oralna hirurgija; da se aktivno služi najmanje jednim svjetskim jezikom i da posjeduje sklonost za naučno-nastavni i naučno-istraživački rad.

Prijave sa kompletnom dokumentacijom dostavljaju se Stomatološkom fakultetu u Sarajevu u roku od 8 dana (osam dana) od dana objavljivanja. (so-88/93)

Elektrotehnički fakultet u Sarajevu raspisuje

KONKURS

za izbor nastavnika u svim zvanjima na predmetima, kako slijedi:

I PREDMETI

1. Planiranje elektroenergetskih sistema - broj izvršilaca 1
2. Elektroenergetski sistemi i okolina - broj izvršilaca 1
3. Strukture i režimi rada elektroenergetskih sistema - broj izvršilaca 1
4. Električni aparati II - broj izvršilaca 1
5. Energetska elektronika - broj izvršilaca 1
6. Upravljanje procesa konverzije energije - broj izvršilaca 1
7. Digitalni telekomunikacioni sistemi II i III - broj izvršilaca 1
8. Mikrotalasni i satelitski sistemi - broj izvršilaca 1
9. Mikroprocesori i mikroracunari - broj izvršilaca 1
10. Antene i mobilni sistemi - broj izvršilaca 1

II

Uslovi za izbor nastavnika utvrđeni su u članu 66. Zakona o univerzitetu.

Raspisuje se konkurs za izbor saradnika u zvanjima višeg asistenta i asistenta, kako slijedi:

PREDMET: 1. Planiranje elektroenergetskih sistema zvanje: viši asistent - broj izvršilaca 1

2. Predmeti Katedre za električne aparate, zvanje: viši asistent ili asistent - broj izvršilaca 1

Uslovi za izbor saradnika utvrđeni su u članu 69. Zakona o univerzitetu.

Konkurs ostaje otvoren 8 dana od dana objavljivanja. (so-115/93)

Mašinski fakultet Sarajevo, raspisuje

OGLAS

za izbor nastavnika

1. nastavnik u svim zvanjima za oblast obrada rezanjem, automatizacija, mjerenja i upravljanja - izvršilac 1

Uslovi: Pored opštih uslova propisanih zakonom, kandidati treba da ispunjavaju i posebne propisane Statutom Mašinskog fakulteta i Zakonom o Univerzitetu. Oglas ostaje otvoren 8 dana od dana objavljivanja. Prijave sa kratkom biografijom i doka-

zima o ispunjavanju pobrojanih uslova slati na adresu: "ŠIPAD HOLDING" za Mašinski fakultet Sarajevo, ulica M. Tića 13. (so-32/93)

IZGUBLJENI PEČATI I ŠTEMBILJI

Oglašavamo nevažećim radne knjižice radnika UNIS KOMERC HOLDING-a DD Sarajevo, opština Centar i to: 1. Lazović Adnan, 2. Milanović Nikola, 3. Muzurović Midhat, 4. Topčagić Osman, 5. Kovačević Rifat, 6. Ribić Amir, 7. Hašim-begović Denana, 8. Čiča Ejub. (so-38/93)

Oglašavamo nevažećim izgubljeni štambilj okruglog oblika, promjera 48 mm sa sljedećim sadržajem: Republika Bosna i Hercegovina, Opština Kalinovik, Predsjedništvo Opštine Kalinovik, Kalinovik. Tekst je ispisan sa istim sadržajem latinicom i ćirilicom, sa grbom RBiH. (so-43/93)

Oglašavamo nevažećim pečat prečnika 30 mm sa sljedećim sadržajem: Auto moto savez Bosne i Hercegovine, Sarajevo. (so-114/93)

1. Proglašava se nevažećim pečat okruglog oblika, prečnika 27 mm koji sadrži firmu Društven preduzeće "ELPOS" d.o.o. Sarajevo. U sredini pečata je znak Jugoslovenskih željeznica.

2. Proglašava se nevažećim pečat prečnika 15 mm sa istim sadržajem kao u tački 1.

3. Proglašava se nevažećim štambilj pravouglonog oblika sa punim tekstom firme, dimenzije štambilja 20x20 mm. (so-42/93)

Proglašava se nevažećim pečat okruglog oblika, promjera 30 mm sa sljedećim sadržajem: Preduzeće za promet i proizvodnju "INGPROM" Sarajevo p. o. i pečat za protokol iste organizacije. (so-122/93)

Proglašava se nevažećim pečat sa sljedećim sadržajem: Preduzeće u privatnoj svojini za ugostiteljstvo, turizam, promet, trgovinu i usluge "Bazeni" Sarajevo. (so-121/93)

SADRŽAJ

231	Uredba sa zakonskom snagom o privremeno napuštenim nekretninama u svojini građana za vrijeme ratnog stanja ili u slučaju neposredne ratne opasnosti	249	247	Rješenje o razrješenju direktora Logističkog centra u Splitu	261
232	Uredba sa zakonskom snagom o izmjenama i dopunama Uredbe sa zakonskom snagom o državljanstvu Republike Bosne i Hercegovine	251	248	Rješenje o razrješenju i imenovanju članova Ekonomskog savjeta Vlade RBiH	261
233	Uredba sa zakonskom snagom o izmjenama i dopunama Uredbe sa zakonskom snagom o obrani	251	249	Rješenje o postavljenju direktora Direkcije Republike Bosne i Hercegovine za civilnu i vazдушnu plovidbu	261
234	Uredba sa zakonskom snagom o izmjenama i dopunama Zakona o unutrašnjim poslovima	254	250	Rješenje o postavljenju glavnog republičkog urbanističko-građevinskog inspektora	261
235	Uredba sa zakonskom snagom o platama i naknadama pripadnika oružanih snaga, unutrašnjih poslova, kazneno-popravnih organizacija i odbrane	255	251	Rješenje o postavljenju pomoćnika ministra prostornog uređenja, građevinarstva i zaštite okoline	261
236	Odluka o protokolu Republike Bosne i Hercegovine	257	252	Uputstvo o načinu evidentiranja i raspolaganja sredstvima na deviznom računu "Ministarstvo finansija - sredstva Republike"	261
237	Odluka o izboru predsjednika Ustavnog suda Bosne i Hercegovine	258		UPRAVA ZA BORAČKO-INVALIDSKU ZAŠTITU	
238	Odluka o razrješenju i imenovanju zamjenika okružnog vojnog tužioca	258		Naredba o uskladjivanju mjesečnih novčanih iznosa lične invalidnine, porodične invalidnine i uvećane porodične invalidnine, dodatka za njegu i pomoć od strane drugog lica i ortopedskog dodatka	262
239	Odluka o prestanku mandata pojedinim poslanicima Skupštine Republike Bosne i Hercegovine	258		Naredba o uskladjivanju mjesečnih novčanih iznosa osnovnog obezbjeđenja, porodičnog dodatka, dodatka za njegu i pomoć drugog lica, stalnog obezbjeđenja i izuzetnog obezbjeđenja	262
240	Odluka o prestanku mandata poslanicima Skupštine Republike Bosne i Hercegovine	259		Naredba o uskladjivanju mjesečnih novčanih iznosa invalidskog dodatka, dodatka za njegu i pomoć drugog lica i dodatka za djecu	262
241	Odluka o osnivanju logističkih centara za humanitarnu pomoć na teritoriji Republike Hrvatske	259		ZAVOD ZA STATISTIKU	
242	Odluka o osnivanju logističkih centara za snabdijevanje stanovništva Republike Bosne i Hercegovine	260		Saopštenje - saopćenje o prosječnom mjesečnom čistom ličnom/osopbnom dohotku za februaru/veljača 1993. godine	262
243	Odluka o visini kamatne stope na iznos poreza na promet proizvoda i usluga koji nije plaćen u propisanom roku	260		PRIVREDNA KOMORA REGIJE SARAJEVO	
244	Rješenje o postavljenju direktora Logističkog centra u Pločama	260		Odluka o finansiranju Privredne komore regije Sarajevo za 1993. godinu	263
245	Rješenje o postavljenju direktora Logističkog centra u Splitu	260			
246	Rješenje o razrješenju direktora Logističkog centra u Pločama	260			